



UPA 2017/023-00

06-06-2017

**Innarluutillit najugaqaqtigiiffiini naleqquttumik najugaqartinneqarnissaminut  
pisinnaatitaaffiannut FN-ip Innarluutillit pillugit Isumaqtigiissutaanut naapertuuttumik  
innarluutillit qanoq ittunik sinaakkusikkanik avatangiiseqartinneqartariaqarnersut pillugu  
apeqquteqaat aallaavigalugu Inatsisartut oqallinnissaannik siunnersuut**

(Inatsisartunut ilaasortaq Martha Lund Olsen, Siumut)

Inatsisartunut ilaasortap Martha Lund Olsen, Siumut - innarluutillit najugaqaqtigiiffiini  
naleqquttumik najugaqartinneqarnissaminut pisinnaatitaaffiannut FN-ip Innarluutillit pillugit  
Isumaqtigiissutaanut naapertuuttumik innarluutillit qanoq ittunik sinaakkusikkanik  
avatangiiseqartinneqartariaqarnersut pillugu apeqquteqaat aallaavigalugu Inatsisartut  
oqallinnissaannik siunnersuutaa Partii Naleraq sinnerlugu imannak oqaaseqarfingissuarput:

Qujanaq Martha Lund Olsen oqallisissiamik soqutiginartumik pingaaruteqartumillu  
oqallisissiaqaravit.

Partii Naleqqamiit isumaqarpugut innarluutilittavut sapinngisamik amerlanerpaat ilaquattaminni  
avatangiisit sungiusimasatik qanimat inooqataaffigalugit ajornangippat najungaqartinneqarnissaat  
anguniartuartariaqartoq.

Tassami meeqqanut, angajoqqaanut ilaqtutanullu asanninneq ilaqtanniik avatangiisiilli  
sungiusimasaniik qimangutitsinikkut innarluutillimmut ilaqtutanullu inuuniarnikkut sakkortuumik  
sunniuteqapiluttassasoq takorloorneqarsinnaavoq.

Isumaqarpugut innarluutilinnut angajoqqaat pikkorissatinneqartuarlutillu meeqqamut  
aaliangersimasumik akissarsiaqartinneqarlutik allamik suliffeqarnissaq eqqarsaatiginagu  
tamakkiisumik paasisinnaanerat pitsaanerusunik periarfissinneqartariaqartut.

Aamma ilaqtariit innarluutilimmik meerartallit angerlarsimaffiat innarluutillimmut  
tulluarsartariaqarpoq, innarluutillimmut ilaqtariinnullu najoruminartunngorlugu.

Innarluutillit 18-it sinnerlugit ukiullit najugaqaqatigiiffii illoqarfinni assigiinngitsuni pioreersut Naalagaaffiit Peqatigigii innarluutilinnut piumasaqaataanut naapertuunnersut misissortariaqarput, pisariaqarpallut piumasaqaatinut naleqquttumik iluarsanneqartariaqarput.

Taama oqallisissisaq naakkaluamik isummersorfingaarput.

Anthon Frederiksen